

道法會元卷之一百七十五

卅五

元照靈虛府玉冊

冊曰

和合自得 眞真相繼 靈者實虛 中眞宜類
肇始有休 罔極明春 玉機音發 赤書數粹
廣惠瑤絳 炁總範廓 混合當中 斡旋維絡
幾爾形靈 善惡錯綜 遶落異攝 浮成可正
五運齊明 六歷環素 鬱儀結璘 交景會芒
中光內洪 彌羅上下 不息不中 玄中又玄
動類互錯 無際無極 生生不窮 司主職治
滅洞玄應 淪於非道 靈虛玉尊 四明總治
扶羅宛光 副比元旣

右元照玉冊乃翔聖眞君嗣教也
鬱儀結璘日月君內諱隱名也中光斗曜也
三奇可照上下曰元照解曰元照靈虛
太君治靈虛玉纒府扶羅委夷眞人宛光
咸隆九微元君左右讚教也
太君曰自延康開劫之後劫劫敗化至于
今日善惡不分羣妖競起地界主者截盡
無暇上元檢屑愈繁使吾教居於中輝上

而未降三光之芒昏而不珍此亦下元濁
炁之使然吾立監度示汝汝無殺以敗吾
化冥掌亦不汝救汝等雖居官而掌殺
亦爲陰繫苟不以和陽降光則動物無有
未損

鬱儀符

圓形方景
紫極九芒
左九轉存
想稱日諱

結璘符

方形圓景
白光十芒
右十轉存
想月君諱

中光斗訣



右日月符體事用之如三光俱用先布日
後布月次用斗乃曰三光三照符又曰上
清三景眞符普取詳星曆太陽太陰過宮
數則是也

元照靈虛府印



靈緯篇

至寂無宗混成獨立生生化化咸有自然
空色朕影澄浸匯起火馳浮念太清行雲
諦觀我身入思微中六臟精蘊血液百骸
盡此一身誰爲親者心眞獨運了無所依
以心觀心返爲物馳期眞釋妄亦爲理塵
物物不干無乎不在根塵清靜觸味元虛
應物亡情自通天本
眞心比道不與萬物爲對及其性變爲情
則不能順物同波而反爲物役也以心觀
心期眞釋妄者爲誰乎既通天本開曉靈

先自性虛鑑不為物役統攝五真收視以神返聽以氣內游洞達明別形生水真在腎木真在肝火真含心土真藏脾金真在肺五臟混生六腑相導故耳目聰明精神四達外觀天地四時之行內則一身五炁運恬淡閉視使之順從勿逆天度陽甲乃乘故得性神所由明別形生則知精神屬天骨骸隸地性猶種實神猶條葉有生則四象生有滅則四象滅非滅而生滅之也故乎吸精炁獨立守神則天五內充根深蒂固此皆妙道同為之玄

五形鍊化壽命且久然必隨數從真道中復入思微聚天五炁結梵洞真炁虛遺形德全適備策日攝月以遊玉清

聚天五炁則精不虧炁虛遺形則神無物累精不虧者神一無物累者道德備全騎日月遊玉清

若未能冥心游淡合神太無者可單景獨立棲迹幽墟漱揖五雲游生三宮彷彿五神使元虛自見漸契真途引召六丁登朝

三元洞映玉光體佩流金飛行玉清漱挹五雲游生三宮者謂太極雲芽上元赤子之道修之以致行厨六丁謁衛也金真玉光流金火鈴皆上清聖真之名也自漱挹五雲游生三宮以致進業上經則登朝三元出有入無壽同三光亦歸於真人也


或習塵網未解登尋雲途而稟炁非高難冀真道者可以抱空絕思執戒滌慮靈香散室孤身幽房靜獨淫態攝行靈飛不踰一年六丁降靈發蒙昧根告以道真然後知數連變登行五嶽化形飛羽即休昇真至數冥冥樞機自然非上聖已成真人則莫統御於無始無終太上以道為身達數者然後可以達其數造變可以幻化生死咸出自然也鍊內五炁登行六仙兆能洒落近務靜念玄神洞視三宮佩服靈書攝召六丁輔道贊化者先於立春平旦以素九寸朱書太極寶章洞存三一真符佩以雲錦囊佩於左肘之後存思三一下鎮已

身斗降紫炁洞徹內外乃呪曰
 五方命斗神致一星三尊敝化上招紫雲
 六神徘徊三宮丹誠玄通大帝下映黃靈
 天尊保衛召形六丁神仙同符策煙三清
 四體堅鍊五臟自生

呪畢凝思良久稱臣昧生妄學真道仰惟虛皇紫宸道君度臣生籍刻名玉書使五臟生華清映神府濟人利物役召六丁心禮九拜叩齒九通嚙液九過止行朝

金闕帝君三元真一者當佩太極寶章今言授學六丁者佩之應謂先行三一并五雲氣液之法然後方可攝行六丁也三一經云八節日子時向月建方存之佩前符今只言立春不言餘節應謂舉立春為首餘節並行之

太極寶章洞存三一攝召六丁真符



若心源鬱塞妄役六根顛倒邪見流濁浪元真未脫情解本無飾非為是說為非噴癡目作紫紫總累變態萬形罪積天司業役地根纏若火山無可停礙能於是中覺易善喜行修齋戒發露洗心務去罪尤回光靜味種茲道果刻書來生當得道真圓成祖業

妙觀滌色接聞靈音引吸青香味乎太和廉靜處身高抗消息此雖役六根而六塵清淨也及其目耽濁色耳聽淫聲鼻入五臭口嚼血毛身欲輕肥意慕榮達此亦役六根而六情妄作也清靜則與神為徒濁妄則與鬼為侶神為徒者日休鬼為侶者日拙神鬼用謀相攘六繫終身役役不忘以待盡者是致流浪死生返神元復於迷徑以情解道辯詞說即為變淫奪罪太玄受毒幽壤
若寄生頑下適託化人間隨景喪真因造諸業能持吾戒用制六情信受日習久亦成道

真君示戒曰

去執忘食以思寡欲世短人浮晝夜輪促腥羶醉飽滅壽絕祿祕語靈文守之勿觸

飛玄篇

祖氣吹運星劫起元紫鬱天道三光齊明號曰靈飛虛昧玉府瓊宮所寶羣芳內音也甲胞於申長生在亥臨子陽後合生十符終復甲戌丁胞於子長生在酉丁庚相乘亦生十符終復丁丑甲庚合化顯符星甲陽左靈也芒為流金火鈴用之以召陽神丁陰右飛也景為豁落七元佩之以致陰神
甲炁起元始配天之庚寅胞在寅逢丁於卯戌胞在子合炁於坎經緯八卦周環六甲度數自然符星是生結化靈文榮鬱天道旬日一甲十日乙丁六甲六丁結符十二日生一符計符一百三十有二甲陽木真也順行於左丁陰火真也逆行於右陽芒為流金火鈴陰景為豁落宗御九星運行五系網維宇宙生生不窮者實丁甲之

道羣芳內音之自然也

甲子攝戊從以丁卯甲戌攝己從以丁丑甲申攝庚從以丁亥甲午攝申從以丁酉甲辰攝壬從以丁未甲寅攝癸從以丁巳日元合乙月元合丙星元合丁登明河魁從魁春旺丁卯傳送小吉勝先夏旺丁丑太衝天罡太一秋旺丁亥功曹大吉神后冬旺丁酉丁巳丁未隨旺相有能審則內存三官吐納五雲丁甲下衛也
次卦起甲乙日時則六戊常隨甲子丁卯在其旬故云攝戊從丁也己庚辛壬癸配合為五甲己合日丙合月丁合星登明水河魁土從魁金亥戌酉春旺也丁卯玉女攝之卯為木木生在亥榮於卯也傳送金小吉土勝先火申未午夏旺也丁丑玉女攝之丑為土生於午恐其丁火相叶故能攝之也太一火天罡土太衝木巳卯辰秋旺也丁亥玉女攝之秋金旺木衰而亥為木生也往往取丁長生於酉故丁亥攝之功曹木大吉土神后水丑子寅冬旺也丁

酉玉女攝之丁胞於坎火生於寅若謂生旺則金絕於寅子矣雖功曹合登明太衝合河魁天罡合從魁故以酉戌亥為春旺也一年之內春旺丁卯夏旺丁丑秋旺丁亥冬旺丁酉己未二丁隨日旺相竊為丁未攝天罡小吉丁丑攝河魁大吉疑辰戌丑未為土也以丁巳旺夏丁酉旺秋入四季月為丁巳丁未攝之雖丁巳不與甲戌相繼而以旺相推之則得彷彿詳之矣行三元真一之道若能迎符節悉寂以內守

丁甲下衛靈途可尋也
未能洞曉符節丁甲生生者可於冬至甲子夜半取北向桐枝分為小簡每簡闊一寸長五寸厚三分以黃囊盛之至是日己巳時先取一簡以雄黃作甲子符後四日至丁卯日癸卯時以雌黃書玉女符於甲符背符成微呼玉女名曰文伯重重以雌黃筆染符隨呼其名四十九過篆刻其名以青緗封之甲子後十月次以甲戌至丁丑日書玉女符呼名曰文公以黃緗封之

甲戌後十日甲申次之於丁亥日時書玉女符呼之曰文通以黑緗封之甲申後十日甲午次之於丁酉日時書玉女符呼之曰文卿以白緗封之甲午後十日甲辰次之於丁未日時書玉女符呼之曰神通以黃緗封之甲辰後十日甲寅次之於丁巳日時書玉女符呼之曰廷卿以緋緗封之五甲符者以雌黃背篆刻玉女一依甲子式六符都就復入囊中密封如法以玉女印印之至第二甲子之日擇靈巖山谷或

福地靜宇立
昊天像列侍六甲置符於前香花潔饌隨時新菓明燈炷香心想
昊天再拜啟祝祝畢以符安靖處日久香華不怠存念神丁通陰夢想兆身告子玄微闡幽人間
六丁甲真符
甲子太玄玉女名靈珠字承翼

丁卯玉女名須臺字護猷

甲戌黃素玉女名神元字飛廉

丁丑玉女名鳳環字鬱城

甲申太素玉女名真字瓊石


丁卯玉女名須臺字護猷



丁亥玉女名興房字綠華





甲午絳宮玉女名丹淳字靈雲




丁酉玉女名招雲字綠間




甲辰拜精玉女名源字靈臺



丁未玉女名招風字始娥



甲寅青腰玉女名啓元字惠精



丁巳玉女名伏華字廣敷



冬至甲子日取桐木分簡六面至巳巳時以一面書甲子符其符本於是日子時書以子時取桐木簡故用甲巳合取巳時也

錄五甲符並取于時玉女符皆取甲後四日丁日丁時也甲符雄黃書玉女符雌黃書呼名刻題一如甲子符式六符既就復以前囊盛之囊外用青紙封印以玉女印簽其囊曰

太上瓊官靈飛虛昧玉符旦夜存念執符清香敬之如在也

師曰凡行六丁六甲先篆炎明符皆填所召神名以六丁玉女印之安六甲位上摘六甲訣如召玉文卿則置符於子地摘子訣如召丁卯玉女則置符於卯地上摘卯文召丁卯玉女文伯甲子王文卿通管甲子一句錄五甲做此請祝篆炎明符服之策以丁酉日文卿正與六甲經內六甲神名同也其玉女名又曰靈飛中相異有曰足日之曹標之以文卿為叔通是卿者雖名稱不同然皆有按召猶乎陽明為天矣貪狼為太皇但一誠而召之無不感降也陽神衣青素錦文首冠玄晶玉女黃素錦文首冠玉華文彩交暉神姿秀發猶冰

羊狀壁燭以明霞有謂丁卯為兔頭甲子為鼠頭餘皆隨方取其象者非也今卯生人屬兔子生人屬鼠以卯生取兔首子生為鼠首可也

丁甲合同印



方二寸三分

此未能佩符期靈欲贊玄教者於春甲寅營鍊古鐵足濟水火都目投符治劔斗下啟祝九晨以榆莢引光覆之祝曰

九玄降秀 天晃受精 黃雲胎育 青龍瑩形
吳標爰魄 倍河夜精 晨華景穢 威劔奉行
祝畢收入靖室凡川澤丘阜有水妖蛇
妄作雲雨當邊生津具意聞吾作劔符以厭之冊言都目者應謂子位也一名金刀訣握固訣一名總訣其治劔時擬用金刀訣也言都者往往言總之非都監陰陽二目也足濟水火則步坎離既濟也潤以榆

液則榆白皮搗取汁也劔符則治劔符也鐵簡乘篆符覆以天罡執劔叱符以遣旱妖東北向發之

太上三天五斗符亦名五斗劔符



道法會元卷之一百七十五

道法會元卷之一百七十六 却六

元和遷教府玉冊

冊曰

和明降中 萬物化被 彌羅上下 音含靈煙 浮黎動休 景光攸往 中有權明 慈伏瑤暢 汎景萬合 俱真合明 夷阿從導 流布自生 九闕七變 還載異聲 皇中之皇 好生昇明 形歷玄都 攝盟駁客 既究光運 飛輝易隆 拂塵化光 邀妙太滌 光景揚威 入於無極 清節攸夷 德於至教 化元太皇 廣運遷教 夷明主者 廣玄朔教 太玄元帥 兼微歸妙 右元和冊乃真武真君嗣教也 昔化元太皇帝君治廣運遷教元和官解 曰命明夷法主廣玄朔大教君監度太玄元帥曰昔赤明丈人教戒曰玄黃正炁赤明初劫開圖歷今凡五千餘年而乘教暨師普度上下八荒內外者吾始以汝嗣吾之教興而降降而興莫不從炁之清濁而於清濁之中可傾上下故聞教者善良進鬼妖滅魔王伏又可以登高臨深居處山